

明

會

要

例略

會要始於宋王祁公

蘇冕初成唐會要四十卷祁公續成之爲一百卷

臨江徐氏

繼之徐氏兩漢會要皆列十五門分繫子目西漢三百六十七事東漢三百八十四事體從簡嚴王氏唐會要五代會要不標總目依類編輯較徐氏更爲詳贍茲編沿徐氏十五門繫以子目四百九十八事其編纂則參酌二氏之式期於文約事詳瑣細事故無可隸者亦以雜錄附各條後

西漢會要五代會要不加論斷唐會要有蘇冕駁議東漢會要間附按語及雜引他說茲遵此例恭錄輯覽

御批及三編發明其他論列與鄙見所及者亦附入焉
總目從徐氏惟祥異移後列方域前沿通考物異之下接
輿地例也至子目則略有更益如嘉禮之經筵日講視學
旌表賓禮之蕃王來朝蕃使入貢凶禮之奪情諡法學校
之宗學社學武學書院選舉之廷推傳奉食貨之莊田加
派兵之衛所海防刑之廠衛廷杖此一代典故之關繫最
巨者按各總目排比增入以志勑置之殊若宰輔之識量
忠諫舉賢委任崇獎諸條据唐會要兵之料敵誘敵閒謀
鄉導刑之決斷守正諸條据通典皆增徐氏目中之所無
各實以事蹟亦足資稽覈而備法鑑

徵引必注書名以事之先後爲次明史但書某志某傳某表不標明史以省繁冗他書雖有傳表記考不詳注以別於正史首引之條或注全目以後或省一二字并不注人名惟王圻續文獻通考則稱王圻通考以別於

欽定續文獻通考

間稱王圻考亦如續通典之稱杜佑通典曰杜典省文耳

蒐羅易去取難茲編摭輯自明史三編外汎覽二百餘種或一事而詳畧紛歧異同錯出必擇其簡而明確而當者錄之間有譌誤略爲辨正附之按語辭繁不能備載者概從刪節斷鶴之譏固不免也

明史從史彙例議洪武以前多書至正年號而地理志於

江南江西各府更名在洪武前仍用干支書太祖某年是編專載明事未便夾入元年號止統書明初太祖初之類閒有數條因原文以干支繫事未便更改則仍之

宏光及唐桂二王遵三編輯覽列入帝號後按宋史列瀛國公本紀附昱昺二王於後昔人有以附二王爲非者

明柯

維騷宋史新編不錄二王伏讀

純廟聖諭及輯覽之所附可以破其惑矣

明史載蒙古人地官名俱多譌舛茲遵輯覽三編改用新譯仍注舊作某某以便省閱

英宗正統天順明史分前後紀編年之體應爾是編總敘

帝號宜前後歸併不以中夾景泰爲嫌從唐會要書中宗例也

會要紀掌故於書法稍寬然亦有難於詮次者如惠帝母常孝康皇后係追諡生母呂太后及世宗母蔣太后皆由妃加尊宜與諸后妃有別仿西漢會要書宣帝母王夫人哀帝母定陶王姬之例稱曰惠帝母曰惠帝生母曰世宗母

職官至明更詳且密其有仍元之舊或仍其舊而殊名者或同名而殊其職掌者皆詳注各條下以志因革之由徐氏職官不載事蹟茲編沿王氏例於各官間載事蹟奏

疏以資考鏡

六部都察院其在南京者依類分載通政司以下南京官事簡不另標目

徐氏屯田屯田卒二日均入兵門茲編屯田入食貨門田制後屯田卒入兵門班軍後各從其類爾

通典謚法入凶禮門茲編於喪服後專志文武臣僚之謚以帝后親藩謚均見帝系且親藩照例給與不必書亦鮑山父例也山父謚彙考與弇州謚法考皆斷自萬厯弇州考略有舛異閒爲釐正自二考外復据三編輯覽及見於明史各傳者增二百餘人共計八百五十三人其爲

本朝賜諡改諡者以非明事從略若爲南都以後所贈者雖未盡出大公亦据三編諸書錄之皆史例也

災異諸目明史天文五行二志不能備錄茲以三編爲主并採大政記二申錄諸書其有修省之詔及臣下諫疏擇其切要者錄之以備鑒戒亦王氏例也

明史宮殿列輿服志茲從徐氏入方域門据明史三編旁採史概野獲編春明夢餘錄涿化類編日下舊聞諸書然名號紛繁徒憑故紙臚列恐未能罄其萬一也

方域但誌州縣改置斷自元始其明改元舊或增或廢者悉書府由路改者不能備書其改府名及由土司改者書

之土司亦但誌改置其已改入州縣者不複書

凡直隸州高一格與府平頭若州非直隸而仍領縣者加圈以誌之并以別於未領縣之州

天下之治統於一尊故首之以帝系治莫大於興禮樂故次禮次樂禮樂興而后名分正故次興服辨名分由於崇教化故次學校教法天時故次運庥天工人代故次職官任官必審賢故次選舉賢以康民民以阜食故次民政次食貨民之梗頑則有創懲故次兵次刑政之善敗厥有徵應故次祥異政令之敷訖乎遐邇故次方域而以外蕃終焉文彬單志明史歷有年所久廢曹司毫無所立退食之

暇掇拾舊聞編次成帙以備遺忘海內君子儻矜撻埴之
閭閻紬績之劬爲之剔蕪而補漏或足爲鑑古者涓滴之
助爾爲卷八十類次目錄如左

卷一

帝系一

帝號

宏光年號

附

唐桂二王

帝號雜錄

追

謚皇帝

卷二

帝系二

太皇太后皇太后皇后

妃嬪

后妃雜錄

宮官

出宮人

卷三

帝系三

皇太子 雜錄 皇太孫 追諡太子

卷四

帝系四

諸王 雜錄

卷五

帝系五

公主 雜錄

卷六

禮一 吉禮

禮 祭祀總敘 省牲 齋戒

卷七

禮二 吉禮

親郊 郊議

卷八

禮三 吉禮

郊祀配位 祈穀 大雩 附禱雨 大饗 朝日夕月

星辰 大歲風雲雷雨之祀 社稷 嶽

鎮海濱山川 先農 先蠶 高祿 城隍

卷九

禮四

吉禮

宗廟 廟議

卷十

禮五

吉禮

禘祫 時饗 薦新 奉先殿 奉慈殿 獻皇帝

廟 親王從享 功臣配享 功臣廟 王國宗廟

羣臣家廟

卷十一

禮六 吉禮

祀先代帝王 三皇 聖師 先師孔子 諸神祠

五祀 附 泰厲

卷十二

禮七 嘉禮

朝儀 諸王來朝 諸司朝覲 朝賀中宮 朝賀

東宮 朝賀班序 免朝參 輟朝 宴禮 賜食

卷十三

禮八 嘉禮

上尊號徽號 冊封皇子 行幸 視學

卷十四

禮九

嘉禮

經筵日講 東宮出閣講學 冠禮 婚禮 鄉飲

酒禮 禁踰侈 旌表

卷十五

禮十

賓禮

優禮元裔 蕃王來朝 遣使之蕃 蕃使入貢

卷十六

禮十一

軍禮

親征 閱武附閱馬 遣將 勞軍 受俘 田獵

兵祭 大射

卷十七

禮十二

凶禮

山陵 顯陵 太子陵寢 親謁陵 遣官祭陵

從葬 陵災 忌辰

卷十八

禮十三

凶禮

喪服 雜錄 奪情

卷十九

禮十四

凶禮

立後議 恤死事 謚法上

卷二十

禮十五

凶禮

謚法下 雜錄

卷二十一

樂上

樂 樂器

卷二十二

樂下

樂歌 樂舞 論樂

卷二十三

輿服上

鹵簿

百官儀從

天子車輅

百官乘車

天子

冠服

諸王冠服

卷二十四

輿服下

百官冠服

士庶冠服

寶璽

印信

賜印

符

節
牙牌

卷二十五

學校上

國學 府州縣學 宗學 社學 武學

卷二十六

學校下

書院 書籍 編輯

卷二十七

運厯上

厯 歲差

卷二十八

運厯下

測影 儀象 句股 權量 時令

卷二十九

職官一

宗人府 三公三孤 東宮六傅 宰輔 識量
舉賢

卷三十

職官二

忠諫 委任 崇獎 宰輔雜錄

卷三十一

職官三

六部總敘 吏部尙書侍郎 吏部四司 南京吏

部 戶部尙書侍郎 戶部十三司 司農司 總

督倉場

督餉侍郎

督理錢法附

南京戶部

督理糧

儲

禮部尙書侍郎

禮部四司

南京禮部

卷三十二

職官四

兵部尙書侍郎

兵部四司

協理京營戎政

南

京兵部

刑部尙書侍郎

刑部十三司

南京刑

部

工部尙書侍郎

工部四司

提督易州山廠

南京工部

卷三十三

職官五

都察院 南京都察院 諫諍 彈劾

卷三十四

職官六

巡按 雜差遣 巡撫 總督總制

卷三十五

職官七

通政司 以下南京官附見不另標目 大理寺 詹事府 翰林

院上

卷三十六

職官八

翰林院下 祕書監 文華堂 宏文館 起居注
修前代史 修國史

卷三十七

職官九

六科 國子監

卷三十八

職官十

太常寺 提督四夷館 光祿寺 太僕寺 行太
僕寺 苑馬寺

卷三十九

職官十一

鴻臚寺 尙寶司 中書舍人 行人司 欽天監

太醫院 上林苑監 五城兵馬司 順天府

應天府 僧道錄司 宦官

卷四十

職官十二

衍聖公 王府官 布政司 分守道 按察司

分巡道 提學 都轉運鹽使司

卷四十一

職官十三

府 州 縣 儒學 巡檢

卷四十二

職官十四

駙馬都尉 五軍都督府 上直衛 留守衛 南
京武職 王府護衛 總兵官 大將軍 將軍
前將軍 副將軍 偏將軍 列將軍 留守司
都指揮使司 土官

卷四十三

職官十五

封爵 勳階 宗藩歲祿 百官祿秩

卷四十四

職官十六

錄軍國重事 遣使 兼官 行試 久任 休
假 封贈 致仕 省官

卷四十五

職官十七

集議

卷四十六

職官十八

考課 戒敕官吏 懲貪吏

卷四十七

選舉一

科目 宗科 武科目 外夷會試 科目雜錄

卷四十八

選舉二

任子 世襲 掾吏 銓選 武選 廷推 行取

卷四十九

選舉三

徵辟 雜錄 保舉 卓異 治劇 納貲 傳奉

方技

卷五十

民政一

戶口 移徙 逃戶 附籍

卷五十一

民政二

風俗 里老 糧長 尊高年 恤鰥寡孤獨 恤

流民

卷五十二

民政三

治豪猾 奴婢 禁自宮 瘞遺骸 優免

卷五十三

食貨一

田制 屯田 水利田 莊田 勸農桑

卷五十四

食貨二

田賦 賜田租 蠲逋賦 荒政 加派 力役

卷五十五

食貨三

錢法 錢禁 鈔法 鹽法 茶法

卷五十六

食貨四

漕運 豫備倉 社倉 軍儲倉 庫藏

卷五十七

食貨五

商稅 船料 塌房 魚課 雜課 土貢 坑冶

珠池 市易 市舶 馬市

卷五十八

兵一

京營 南京營 侍衛上直軍 皇城守衛 京城

巡捕 四衛營 幼軍

卷五十九

兵二

衛所 班軍 屯田卒 民壯 鄉兵 土司兵

卷六十

兵三

教練 選募 宿衛 番戍 調發 料敵 誘敵

閒謀 鄉導 處降

卷六十一

兵四

軍伍 兵占 軍功 軍法 兵器 火器

卷六十二

兵五

戰車 戰船 馬政 印馬 茶馬 草場

卷六十三

兵六

邊防 海防 江防

卷六十四

刑一

刑制 律令

卷六十五

刑二

詳讞
決斷

卷六十六

刑三

守正
寬恕
矜老弱
囚繫

卷六十七

刑四

贖罪
赦宥
赦宥雜錄
登聞鼓
廷杖
枷

衛獄
東廠
西廠
附
駕帖

卷六十八

祥異一

符瑞 日食 日月變異 彗孛 五星陵犯

卷六十九

祥異二

星聚 星隕 雪 霜 雹 水冰 總天變地

震 山崩 隕石

卷七十

祥異三

水災 火災 旱 蝗 人異 禽獸之異 草木

之異 雜變異

卷七十一

方域一

都邑 殿 宮 閣樓 館 齋 室 堂 軒

臺觀 亭 坊

卷七十二

方域二

諸門 城門附 宮殿雜錄 親王府 百官第宅

卷七十三

方域三

十三布政司分轄道 州縣改置上

卷七十四

方域四

州縣改置下 土司改置

卷七十五

方域五

道路 橋梁 關津 街市 寺觀 城郭 邊牆

驛傳

卷七十六

方域六

黃河 運河

卷七十七

外蕃一

正東

朝鮮 日本 婆羅 馮嘉施蘭 蘇祿 合貓里

美洛居

東南

雞籠山 琉球 呂宋 古麻刺朗 佛郎機 和

蘭

卷七十八

外蕃二

正南

安南 暹羅 彭亨 占城 滿刺加 阿魯 瓜

哇 眞臘 三佛齊 淳泥 巴喇西

西南

蘇門答刺 覽邦 淡巴 百花 那孤兒 黎伐

南渤利 柯枝 小葛蘭 錫蘭山 朵甘 長

河西魚通甯遠 董卜韓胡 烏斯藏大寶法王

大乘法王 大慈法王 闍化王 贊善王 護教

王 闍教王 輔教王 西天阿難功德圖 尼八

刺國

卷七十九

正西上

沙州 赤斤蒙古 罕東 安定 阿端 察遜

哈嗎爾 羅密 坤城 阿蘇 天方 默德那

阿丹 榜葛刺 沼納樸兒 忽魯謨斯 溜山

西洋古里 西洋瑣里 意大里亞 拂菻

卷八十

外蕃四

正西下

哈密 土魯番 火州 柳城 衛喇特 于闐

賽瑪爾堪 布噶爾 沙喇斯 哈魯 實喇哈雅

默色爾 哈喇

西北

伊里巴拉

正北

韃靼 烏梁海

明言要目錄終

明會要卷一

永新龍文彬纂

帝系一

帝號

德祖元皇帝

伯六公家句容仲入公第三子太祖之高祖考也

洪武元年正月乙

亥追尊元皇帝廟號德祖葬朱家巷

懿祖恆皇帝

四九公德祖第二子

洪武元年正月乙亥追尊恆皇帝

廟號懿祖葬朱家巷

熙祖裕皇帝

初一公懿祖長子徙泗州盱眙縣

洪武元年正月乙亥追尊

裕皇帝廟號熙祖葬泗州祖陵基運山

仁祖高皇帝

諱世珍熙祖長子徙濠州之鍾離

洪武元年正月乙亥追尊

高皇帝廟號仁祖葬中都皇陵翊聖山

太祖開天行道肇紀立極大聖至神仁文義武俊德成功

高皇帝諱元璋字國瑞

仁祖第四子母曰高皇后陳氏

以元天厯元年九

月丁丑生至正十二年從郭子興於濠州二十四年正月

丙寅朔立爲吳王二十七年稱吳元年明年正月乙亥卽

皇帝位建元洪武三十一年閏五月乙酉崩於西宮

年七十一

辛卯葬孝陵謚曰高皇帝廟號太祖永樂元年六月丁巳

謚神聖文武欽明啟運俊德成功統天大孝高皇帝嘉靖

十七年十一月辛未朔增謚開天行道肇紀立極大聖至

神仁文義武俊德成功高皇帝

有明帝諡皆十七字世宗加太祖至二十一字前代

未有唯唐懿宗加諡宣宗至十九字

丞相四人李善長徐達汪廣洋胡惟庸

洪武十三年罷中書省

恭閔惠皇帝諱允炆

太祖孫懿文太子第二子母曰呂妃

洪武十年十一月

己卯生二十五年九月庚寅立爲皇太孫三十一年閏五

月辛卯卽位改元建文四年六月乙丑燕兵陷京師宮中

火起不知所終燕王遣中使出帝后屍於火越八日壬申

葬之

大清乾隆元年追諡曰恭閔惠皇帝

成祖啟天宏道高明肇運聖武神功純仁至孝文皇帝諱

太宗第四子母

元至正二十年四月癸酉生洪武三年

四月乙丑封燕王十三年三月壬寅之藩北平建文元年

七月癸酉舉兵反四年六月乙丑陷京師己巳自立爲皇

帝改元永樂二十二年七月辛卯崩於榆木川

年六十五

九月

壬午上尊諡曰體天宏道高明廣運聖武神功純仁至孝

文皇帝廟號太宗十二月庚申葬長陵嘉靖十七年九月

戊寅改上尊諡曰啟天宏道高明肇運聖武神功純仁至

孝文皇帝廟號成祖

閣臣七人黃淮胡廣楊榮解縉楊士奇金幼孜胡儼

仁宗敬天體道純誠至德宏文欽武章聖達孝昭皇帝諱

高熾

成祖長子母曰仁孝徐皇后

洪武十一年七月辛未生於鳳陽二

十八年閏九月壬午冊爲燕世子永樂二年四月甲戌立

爲皇太子二十二年八月丁巳卽位改元洪熙元年五月

辛巳崩於欽安殿

年四十八

七月己巳上諡號九月壬寅葬獻

陵

閣臣六人黃淮楊榮楊士奇金幼孜楊溥權謹

宣宗憲天崇道英明神聖欽文昭武寬仁純孝章皇帝諱

瞻基

仁宗長子母曰誠孝張皇后

建文元年二月甲辰生於燕邸永樂

九年十一月丁卯立爲皇太孫二十二年仁宗卽位十月

壬子立爲皇太子洪熙元年六月庚戌卽位改元宣德十

年正月乙亥崩於乾清宮年三十七丁酉上諡號六月辛卯葬

景陵

閣臣七人楊士奇楊榮黃淮金幼孜楊溥張瑛陳山

英宗法天立道仁明誠敬昭文憲武至德廣孝睿皇帝諱

祁鎮

宣宗長子母曰孫貴妃

宣德二年十一月乙未生三年二月戊

午立爲皇太子十年正月壬午卽位

年九歲

改元正統十四

年八月壬戌北狩九月癸未皇太后命郕王卽皇帝位遙

尊帝爲太上皇景泰元年八月丙戌還京師入居南宮八

年正月壬午武清侯石亨右副都御史徐有貞等以兵迎

上皇於南宮遂復位改元天順八年正月庚午崩

年三十八

月乙未上諡號五月庚申葬裕陵

閣臣十七人楊士奇楊榮楊溥馬愉曹鼐陳循苗衷高穀
張益徐有貞許彬薛瑄李賢呂原岳正彭時陳文

恭仁康定景皇帝諱祁鈺

宣宗次子母吳賢妃

宣德三年八月壬

午生英宗卽位封郕王正統十四年八月英宗北狩孝恭
皇太后命王監國九月癸未命卽皇帝位改元景泰八年
正月丁丑興疾宿南郊齋宮壬午英宗復位二月乙未廢
帝爲郕王遷西內癸丑薨於西宮

年三

諡曰戾以親王禮

葬西山成化十一年十二月戊子復帝號上尊諡

閣臣十人彭時商輅陳循苗衷高穀俞綱江淵王一甯蕭

鑑王文

憲宗繼天凝道誠明仁敬崇文肅武宏德聖孝純皇帝諱

見深

英宗長子母曰周貴妃

正統十二年十一月庚寅生初名見濬

十四年八月己巳皇太后命立爲皇太子景泰三年五月
甲午廢爲沂王天順元年三月己巳復立爲皇太子改名
見深八年正月乙亥卽位改元成化二十三年八月己丑
崩年四十一九月乙卯上諡號十二月壬午葬獻陵

閣臣十人彭時李賢陳文劉定之商輅萬安劉珏劉吉彭

華尹直

孝宗達天明道純誠中正聖文神武至仁大德敬皇帝諱

祐樞

憲宗第三子
母日紀淑妃

成化六年七月己卯生於西宮十一年

十一月癸丑立爲皇太子二十三年九月壬寅卽位改元

宏治十八年五月辛卯崩於乾清宮

年三十六

六月庚申上諡

號十月葬泰陵

閣臣九人萬安劉吉彭華尹直徐溥劉健邱濬李東陽謝

遷

武宗承天達道英肅睿哲昭德顯功宏文思孝毅皇帝諱

厚照

孝宗長子母日
孝康張皇后

宏治四年九月丁酉生五年三月戊

寅立爲皇太子十八年五月壬寅卽位改元正德十六年

正月丙寅崩於豹房

年三十一

五月己未上諡號九月庚午葬

康陵

閣臣十四人劉健李東陽謝遷焦芳王鏊楊廷和曹元梁
儲劉忠費宏靳貴楊一清蔣冕毛紀

世宗欽天履道英毅神聖宣文廣武宏仁大孝肅皇帝諱
厚熹憲宗孫父興獻王國安陸正德二年八月辛巳生於

興邸十六年武宗崩無嗣慈壽皇太后與大學士楊廷和

定策迎王於興邸四月癸卯至京師卽位改元嘉靖四十

五年十二月庚子崩於乾清宮

年六

明年正月乙亥上諡

號按本紀是月上諡號無日明政統宗系之正月二十日

則是丙子而明書編渙志及大政記皆系之乙亥今据
書三月壬申葬永陵

閣臣二十七人袁宗臯費宏楊廷和蔣冕毛紀石琚賈詠
楊一清謝遷翟鑾張璁改名桂萼李時方獻夫夏言顧
鼎臣嚴嵩許讚張璧張治李本徐階袁煒嚴訥李春芳
郭朴高拱

穆宗契天隆道淵懿寬仁顯文光武純德宏孝莊皇帝諱

載垕

世宗第三子
母曰杜康妃

嘉靖十六年正月癸卯生十八年二月

庚子朔封裕王四十五年十二月壬子卽位改元隆慶六

年五月庚戌崩於乾清宮

年三
十六

七月丙戌上謚號九月甲

午葬昭陵

閣臣九人徐階李春芳郭朴高拱陳以勤張居正趙貞吉

殷士儋高儀

神宗範天合道哲肅敦簡光文章武安仁止孝顯皇帝諱

翊鈞

穆宗第三子
母曰李貴妃

嘉靖四十二年八月癸亥生隆慶二年

三月辛酉立爲皇太子六年六月甲子卽位

年十歲

改元萬

厯四十八年七月丙申崩於宏德殿

年五十八

九月甲申上諡

號十月丙午葬永陵

閣臣二十一人張居正呂調陽張四維馬自强申時行潘

晟余有丁許國王錫爵王家屏趙志皋張位陳于陞沈

一貫沈鯉朱賡于慎行李廷機葉向高方從哲吳道南

光宗崇天契道英睿恭純憲文景武淵仁懿孝貞皇帝諱

常洛神宗長子母曰王恭妃萬厯十年八月丙申生二十九年十月

乙卯立爲皇太子四十八年八月丙午卽位改元泰昌九

月乙亥崩於乾清宮年三十九熹宗卽位改萬厯四十八年八

月以後爲泰昌元年是月己丑上諡號本紀十月上諡號無日茲据史彙書

之明年九月壬寅葬慶陵

閣臣八人方從哲史繼偕沈淮何宗彥劉一燝韓爌朱國

祚孫如游

熹宗達天闡道敦孝篤友章文襄武靖穆莊勤哲皇帝諱

由校光宗長子母曰王選侍萬厯三十三年十一月十四日生泰昌

元年九月乙亥光宗崩羣臣哭臨畢請見皇長子於寢門

奉至文華殿行禮還居慈慶宮時選侍李氏居乾清宮吏部尚書周嘉謨等疏請選侍移宮己卯選侍移噉鸞宮庚辰卽位改元天啟七年八月丁卯崩於乾清宮年二十月十三庚子上謚號明年三月己巳葬德陵

閣臣二十人葉向高劉一燝韓爌史繼偕沈淮何宗彥朱國祚孫如游孫承宗顧秉謙朱國禎朱延禧魏廣微周如磐黃立極丁紹軾馮鈺施鳳來張瑞圖李國禕

莊烈愍皇帝諱由檢

光宗第五子母曰劉賢妃

萬厯三十八年十二月

二十四日生於東宮天啟二年九月乙卯封信王七年八月丁巳卽位改元崇禎十七年三月丙午李自成陷京師

丁未內城陷帝崩於萬歲山

大清兵入京師以帝禮改葬諡曰莊烈愍皇帝陵曰思陵
閣臣四十九人黃立極施鳳來張瑞圖李國禔來宗道楊
景辰周道登錢龍錫李標劉鴻訓韓爌成基命周延儒
何如寵錢象坤孫承宗溫體仁吳宗達鄭以偉徐光啟
錢士升王應熊何吾驥文震孟張至發黃士俊孔貞運
賀逢聖劉宇亮薛國觀傅冠程國祥楊嗣昌方逢年蔡
國用范復粹姚明恭張四知魏炤乘謝陞陳演蔣德璟
黃景昉吳牲魏藻德李建泰方岳貢范景文邱瑜

宏光年號

文彬謹按綱目三編通鑑輯覽遵奉

純廟諭旨以福王偏立江左尙可比宋代建炎之例故於崇禎甲申五月後分注福王存其統系必俟次年蕪湖被執始書明亡茲遵例記崇禎後特書宏光年號以別之

福王由崧

神宗孫福恭王常洵長子

初封德昌王崇禎十六年嗣封福

王十七年三月京師失守由崧與潞王常汭俱避賊至淮安時參贊機務兵部尙書史可法方督師勤王在浦口南京諸大臣議立君倫序當屬福王諸臣以潞王爲神宗姪賢明當立可法亦以爲然由浦口還南京而鳳陽總督馬

士英利福王昏庸欲立之與諸將送福王至儀真連營江北勢甚張可法不得已乃以福王名告廟五月庚寅稱監國以可法及士英等俱爲大學士士英仍督鳳陽軍務壬寅稱帝於南京以明年爲宏光元年命可法督師江北召士英入閣辦事明年五月我

大清兵渡江福王出奔太平

大清兵至蕪湖總兵田雄劫福王以降

閣臣六人史可法高宏圖姜曰廣王鐸馬士英蔡奔琛

附 唐桂二王

文彬謹按通鑑輯覽奉

明會典卷一
純廟諭旨以唐桂二王自不等於福王但爲明室宗支與
宋之昱昺相同未可概從僭僞之例故於福王後撮敘
二王本末綱目三編終於福王而唐王之立於福州桂
王之立於肇慶皆附載目中茲敬遵此例附二王於宏
光之後

唐王聿鍵

端王碩熹子

崇禎五年嗣封九年京師戒嚴倡義勤

王詔切責廢爲庶人幽之鳳陽十七年北都陷福王立於
南京乃赦聿鍵出命移居廣西平樂府

大清順治二年五月

大兵已定南京聿鍵行至杭州遇鎮江守將鄭鴻逵及戶

部侍郎何楷戶部郎中蘇觀生等遂奉以入閩故禮部尙書黃道周與巡撫都御史張肯堂南安伯鄭芝龍奉聿鍵稱監國閏六月丁未稱號於福州改年隆武進芝龍爲侯觀生道周俱大學士肯堂爲兵部尙書然權在鄭氏聿鍵屢促芝龍出兵輒以餉絀辭道周自請行至婺源兵潰死明年七月湖廣總督何騰蛟遣使迎聿鍵八月至汀州大兵奄至被執死於福州

桂王由榔

神宗孫桂王常瀛次子

崇禎時封永明王

大清順治三年八月

大兵下汀州執唐王聿鍵於是兩廣總督丁魁楚巡撫瞿

明倫彙編 家範典 一
式耜等迎由榔監國十一月十八日稱號於肇慶改年永
祿順治四年正月我

大清兵克肇慶由榔奔桂林七年

大兵入桂林十三年李定國奉由榔走雲南十六年

大兵克雲南由榔走南甸遂入緬十七年平西將軍吳三
桂請進兵緬甸十八年

大兵臨緬甸人執由榔獻之軍前明年四月死於雲南

帝號雜錄

本宗朱氏出自句容地名朱巷在通德鄉上世以來勤農
桑五世祖仲八公三傳至先祖初一公生子二長五一公

次先考諱世珍元初籍淘金戶金非土產市於他方先祖困於役遂棄田廬攜二子遷泗州盱眙縣先考娶陳氏泗州人生子四長重四公生於盱眙次重六公重七公生於五河某其季也生於鍾離襲者父兄因某幼疾捨入皇覺寺中甲申父母長兄俱喪次兄守業又次兄出贅劉氏某託跡緇流至正十二年天下大亂諸兄皆亡淮兵大起掠入行伍乃招集義旅兵力漸眾因取滁和龍鳳三年帥師渡江駐兵太平爲念先考常言世爲朱巷人卽訪求故鄉宗族調兵取句容明年克金陵朱巷距城四十里族父兄昆弟四十餘人至始與之敘長幼之禮朱氏世系自仲八

公以上不可考歷世墓在朱巷惟先祖葬泗州先考葬鍾

離太祖自敘世德碑見春
明夢餘錄七修類稿

吳元年七月甲申右相國李善長等請曰王起濠梁不階
尺寸遂成大業四方羣雄削除殆盡遠近歸心願早正大
位以承天命太祖曰自古帝王知天命有歸猶且謙讓以
俟有德嘗笑陳友諒初得一隅妄自尊大驕恣速亡吾豈
能更蹈之大訓
記

十二月甲子太祖以羣臣推戴不已祭告於上帝神祇時
善長等進儀衛太祖見仗內旗有天下太平皇帝萬歲字
顧善長曰此夸大之詞非古制命去之同上

建文四年六月都城陷宮中火起帝不知所終燕王遣中使出后屍於火詭云帝屍越八日用學士王景言備禮葬之然葬地所在後無聞焉或曰帝由地道出亡其後滇黔巴蜀間皆傳有帝爲僧時往來跡世遂以帝爲遜國云三編輯覽注云遜國之說明舊史例議力辨其妄且言建文帝闔宮自焚身殉社稷死之正也後人心惡成祖誅夷忠烈之慘而不忍建文之遽殞故詭言削髮出亡以明帝之不死於火耳此其言誠是但據王鏊陸樹聲薛應旂鄭曉朱國禎等所載諸書皆厯厯可考雖有舛訛或未必悉由附會且史傳稱黃觀募兵未還或謂曰宮中

火帝已失後神宗時嘗命閣臣錄帝在滇詩以進似又非盡無稽者第事難徵覈姑從闕疑今故附錄出亡之略而復辨之如此

燕王旣卽位七月壬午朔詔今年以洪武三十五年爲紀

明年爲永樂元年

本紀

楊椿曰革除建文年號明代諸書俱言之甚有稱建文時爲革除年間者余考之不然實錄四年六月己巳燕王卽皇帝位翼日庚午命今年仍稱洪武三十五年七月壬午朔大赦天下詔今年仍以洪武三十五年爲紀云今年者明六月己巳前尙爲建文之年六月庚午後

方爲洪武三十五年也蓋成祖不欲於季夏改元又不欲用建文年號故於卽位後仍以洪武紀年猶後漢高祖改晉開運四年二月爲天福十二年非并從前開運年號盡革除之也赦詔中有建文以來又有建文年間後凡詔辭敕諭語及惠帝或呼建文或稱建文君諸帝實錄於惠帝事及諸臣逮事惠帝者皆書建文間天順元年釋建庶人之囚書釋建文君子孫則建文之號當時未嘗諱之也萬厯十六年司業王祖嫡請復建文年號大學士申時行以成祖實錄首書元年二年三年四年爲未嘗革除之證同時王尙書世貞 本朝顧處士

炎武王尙書鴻緒俱主申說世貞謂儒臣淺陋嫌於載建文之號於成祖實錄之前於是創一無號之元年書之則其義未盡也祝允明九朝野記張太后大漸召問楊士奇國家尙有何大事未行者士奇請修建文實錄太后云建文年號厯日已革除之乃知所謂革除者永樂間之欽天監見洪武三十五年之詔遂於所進厯日不敢復書建文盡妄改之爲洪武成祖悅其如是未之禁於是諸臣奏疏有司文移始皆有洪武三十二年三十三年三十四年之稱實錄三十五年八月壬戌禮部言大統厯例在先歲九月朔進呈此因卽位之初造厯

未備請以十一月朔進從之命著爲令亦未言革除建
文年號也史臣未奉革除之令故於實錄書元年二年
三年四年不敢正欽天監之失故不書年號惟於四年
六月庚午詔下之日始書洪武三十五年而六月己巳
燕王卽位之日則尙屬之四年此史臣紀實而後之讀
之者可曉然建文年號之未革除矣

成化三年十一月荆門州訓導高瑤上言正統己巳之變
先帝北狩皇上方在東宮使非郕王繼統則禍亂何由而
平先帝復辟貪大功者遂加厚誣使不得正典禮望敕禮
官追加廟號事下禮部會議以左庶子黎淳疏遂格不行

昭代後御史楊守隨復請改謚事亦未行至十一年十二月命閣臣議商輅力贊成之乃下詔曰朕叔郕王踐祚戡亂保邦奸臣讒構請削帝號先帝旋知其枉深懷悔恨以次抵諸奸於法不幸上賓未及舉正朕敦念親親用成先志郕王可仍舊皇帝號尋上尊謚令所司脩飾陵寢編三

宏治十二年四月前禮部主事楊循吉上言建文君乃高皇帝嫡孫躬受神器後太宗入繼大統創建文位號百餘年來未蒙顯復夫建文雖以左右非人得罪社稷而實則生民之主也請復尊號如景泰故事庶幾裨益先聖有光大孝下禮部議格不行編三

萬厯十四年國子監司業王祖嫡言建文之革除未復景泰之實錄未正今宜復建文位號修輯四年事蹟盡廢野史不經之說其景泰宜自爲一錄削郕戾舊名疏下羣臣議於是申時行奏言建文年號因成祖靖難之日詔今年仍以洪武三十五年爲紀其建文年號相傳以爲革除及考靖難事蹟亦稱少主稱元年二年三年四年則是未嘗革除也但不稱建文耳英宗實錄修於成化初年在景皇帝位號未復之先故仍稱郕戾王而景泰七年事遂附英宗實錄之內今景皇帝位號已復不過於實錄內改正其理順而事亦易於是乃詔改景泰實錄然是時上下偷惰

詔敕多不奉行景泰實錄終明世未嘗改也

三編

萬厯二十三年禮科給事中楊天民與御史牛應元請復建文年號從之未幾南京太常寺卿沈子木言建文御宇五年顧不得一盂麥飯下同齊民於誼未忍請附食懿文太子之側章下部議不果行

同上

福王立南京東平伯劉澤清言宋高宗卽位南京遂以靖康二年五月爲建炎元年從民望也乞以今歲五月爲宏光元年禮部尙書顧錫疇言明詔已頒不可追改乃已

顧錫

疇傳

是年追謚崇禎帝曰烈皇帝廟號思宗時朝廷大議多出

高宏圖手趙之龍欲傾宏圖以思非美諡上疏糾駁尋改

曰毅宗

三編

太僕少卿萬元吉請修建文實錄復其尊稱並還懿文追尊故號祀之寢園以建文配乃追復懿文太子廟號追諡建文帝曰惠宗讓皇帝並上景帝廟號曰代宗

同上

追諡皇帝

興宗孝康皇帝標

太祖長子

洪武元年正月乙亥立爲皇太子

二十四年八月乙丑敕太子巡撫陝西比還獻陝西地圖遂病明年四月丙子薨八月庚申附葬孝陵東諡曰懿文太子建文元年二月追尊爲孝康皇帝廟號興宗燕王卽

位復稱懿文皇太子福王時復故號

睿宗獻皇帝祐杭憲宗第子成化二十三年七月戊申封興

王宏治七年九月癸卯之藩德安正德十四年六月己卯

薨諡曰獻王踰二年而武宗崩召王世子入嗣大統是爲

世宗禮臣援漢定陶宋濮安故事考孝宗改稱王爲皇叔

父興獻大王嘉靖三年三月癸丑稱爲本生皇考恭默獻

皇帝七月乙亥諭去本生號九月丙寅詔稱孝宗皇伯考

稱獻皇帝曰皇考明年五月庚辰建世廟七年七月己卯

加上尊諡曰恭睿淵仁寬穆純聖獻皇帝十七年九月辛

巳加上尊號知天守道洪德淵仁寬穆純聖恭儉敬文獻

皇帝廟號睿宗祔太廟位次武宗上明堂大饗奉主配天
罷世廟之祭穆宗立乃罷明堂配饗

明會要卷一終

明會要卷二

永新龍文彬纂

帝系二

太皇太后皇太后皇后

洪武元年正月追尊高祖妣胡氏曰元皇后曾祖妣侯氏

曰恆皇后祖妣王氏曰裕皇后皇妣陳氏曰湣皇后

元皇后恆

皇后姓氏明史及三編質實俱未載據明政統宗弁山集證之太祖世德碑書之

太祖馬皇后宿州人父馬公母鄭媼早卒馬公以后託郭子興馬公卒子興奇太祖狀貌以后歸焉洪武元年正月太祖卽位冊爲皇后十五年八月丙戌崩九月庚午葬孝

陵謚曰孝慈皇后永樂元年上尊謚曰孝慈昭憲至仁文德承天順聖高皇后嘉靖十七年加上尊謚曰孝慈貞化哲惠仁徽成天毓聖至德高皇后祔太廟

惠帝嫡母孝康皇后常氏本懿文太子元妃也洪武四年四月冊爲皇太子妃十一年十一月薨謚敬懿建文元年二月追尊爲孝康皇后永樂元年復稱敬懿皇太子妃福王立南京復故號

惠帝生母呂氏懿文太子繼妃也建文元年二月尊爲皇太后永樂元年復稱皇嫂懿文太子妃福王立南京復故號

惠帝馬皇后洪武二十八年冊爲皇太孫妃建文元年二月冊爲皇后四年六月城陷崩於火

成祖徐皇后洪武九年冊爲燕王妃王卽帝位冊爲皇后永樂五年七月乙卯崩諡曰仁孝皇后十一年二月長陵成以后葬焉仁宗卽位上尊諡曰仁孝慈懿誠明莊獻配天齊聖文皇后祔太廟

仁宗張皇后洪武十六年封燕世子妃永樂二年封皇太子妃仁宗立冊爲皇后宣宗卽位尊爲皇太后英宗卽位尊爲太皇太后正統七年十月崩上尊諡曰誠孝恭肅明德宏仁順天啟聖昭皇后合葬獻陵祔太廟

宣宗胡皇后永樂十五年選爲皇太孫妃已爲皇太子妃
宣宗卽位立爲皇后時孫貴妃有寵后未有子又善病三
年春帝令后上表辭位乃退居長安宮賜號靜慈仙師正
統八年崩用嬪御禮葬金山天順六年孫太后崩錢皇后
爲英宗言后賢而無罪廢爲仙師其沒也人畏太后殮葬
皆不如禮因勸復其位號英宗問大學士李賢賢對曰陛
下此心天地鬼神實臨之然臣以陵寢享殿神主俱宜如
奉先殿式庶稱陛下明孝七年七月上尊諡曰恭讓誠順
康穆靜慈章皇后修陵寢不祔廟

孫皇后宣宗卽位封貴妃三年三月胡后廢遂冊爲皇后

英宗立尊爲皇太后英宗北狩太后命郕王監國景帝卽位尊爲上聖皇太后英宗復辟上徽號曰聖烈慈壽皇太后宮闈徽號自此始天順六年九月崩上尊諡曰孝恭懿憲慈仁莊烈齊天配聖章皇后合葬景陵祔太廟

吳太后景帝母也宣德三年封賢妃景帝卽位尊爲皇太后英宗復辟復稱宣廟賢妃成化中薨

英宗錢皇后正統七年立爲后后無子周貴妃生憲宗及卽位命議上兩宮尊號中官夏時欲獨尊貴妃爲皇太后李賢彭時持不可已而議兩宮並尊將上冊寶時曰兩宮同稱則無別錢皇后請加二字以便稱謂從之遂称后爲

慈懿皇太后成化四年六月崩七月上尊諡曰孝莊獻穆
宏惠顯仁恭天欽聖睿皇后祔太廟九月合葬裕陵

周太后英宗妃憲宗生母也天順元年封貴妃憲宗卽位
尊爲皇太后二十三年四月上徽號曰聖慈仁壽皇太后
孝宗立尊爲太皇太后宏治十七年三月崩諡孝肅貞順
康懿光烈輔天承聖睿皇后合葬裕陵別祀於奉慈殿不
祔廟嘉靖十五年與紀邵二后並移祀陵殿題主曰皇后
不繫帝諡以別嫡庶其後穆宗母孝恪神宗母孝定光宗
母孝靖熹宗母孝和莊烈帝母孝純咸遵用其制

景帝汪皇后正統十年冊爲郕王妃十四年王卽皇帝位

冊爲皇后景泰三年妃杭氏生子見濟景帝欲立爲太子而廢憲宗后執不可以是忤帝意遂廢后英宗復位仍稱邸王妃正德元年十二月薨議祭葬禮大學士王鏊曰葬以妃祭以后遂合葬金山明年上尊諡曰貞惠安和景皇后

杭皇后景帝妃景泰三年五月汪后廢遂立爲皇后七年崩諡肅孝英宗復位削皇后號毀所葬陵

憲宗吳皇后天順八年七月壬申立爲皇后先是憲宗居東宮萬貴妃已擅寵后旣立摘其過杖之帝怒廢后別宮立甫踰月耳正德元年薨以妃禮葬

王皇后憲宗既廢吳后遂冊爲皇后孝宗立尊爲皇太后
武宗立尊爲太皇太后正德五年十二月上尊號曰慈聖
康壽十三年二月崩上尊諡曰孝貞莊懿恭靖仁慈欽天
輔聖純皇后合葬茂陵祔太廟

紀太后憲宗妃孝宗生母也賀縣土官女成化中征蠻俘
入掖庭授女史命守內藏帝偶行內藏悅幸之遂有身時
萬貴妃專寵而妬聞而甚恚令婢鉤治婢謬報曰病瘖乃
謫居安樂堂六年七月皇子生使門監張敏溺焉敏驚曰
上未有子奈何棄之稍哺粉餌餽蜜藏之他室貴妃日伺
無得時吳后廢居西內近安樂堂密知其事往來哺養帝

不知也帝自悼恭太子薨常鬱鬱不樂成化十一年帝召張敏櫛髮照鏡歎曰老將至而無子敏伏地曰死罪萬歲已有子也帝愕然問安在對曰奴言卽死萬歲當爲皇子主於是太監懷恩頓首曰敏言是皇子潛養西內今已六歲臣不敢聞耳帝大喜卽日幸西內遣使召皇子使至妃抱皇子泣曰兒去吾不得生兒見黃袍有鬚者卽兒父也衣以小緋袍乘小輿擁至階下髮披地走投帝懷帝置之膝撫視久之悲喜泣下曰我子也類我使懷恩赴內閣具道其故明日頒詔天下移妃居永壽宮其年六月乙巳妃暴薨諡恭恪莊僖淑妃孝宗卽位追諡淑妃爲孝穆慈慧

恭恪莊僖崇天承聖純皇后遷葬茂陵別祀奉慈殿

御批輯覽曰憲宗偏寵萬妃任其妬毒而不能檢制幾成
炎劉燕啄之禍柔闇實無可辭責但宮闈事祕流傳又
豈可盡憑如所稱後宮有娠皆遭潛害則前此之祐極
生於成化五年何獨無恙且其伺察必嚴又何獨於紀
妃得以病瘖相蒙而宮婢鉤治亦肯代爲容隱至皇子
旣生卽使張敏溺斃敏縱欲護救亦必潛藏外庭密爲
保育又安敢仍留附近安樂堂之他室吳后復往來哺
養竟不慮萬妃之稍有知覺乎且祐極故在而敏之驚
稱上未有子出於何意且祐極旋卽立儲又豈能隱祕

不使萬妃知之紀載家傳聞異辭往往從而緣飾不足深信者類此多矣

邵太后憲宗妃興獻帝母也成化十二年封宸妃尋進封貴妃世宗入繼大統尊爲皇太后嘉靖元年上尊號曰壽安十一月崩十二月上尊諡曰孝惠康肅溫仁懿順協天祐聖皇太后別祀奉慈殿七年七月改稱太皇太后十五年遷主陵殿仍稱皇后與孝肅孝穆等

世宗母獻皇后蔣氏興獻王妃也宏治五年冊爲興王妃世宗入承大統遣使詣安陸奉迎以嘉靖元年改稱興國太后三年上尊號曰本生章聖皇太后是年秋用張璁等

言尊爲聖母章聖皇太后七年上尊號曰慈仁十五年加上尊號曰康靜貞壽十七年十二月崩上尊諡曰慈孝貞順仁敬誠一安天誕聖獻皇后合葬顯陵主祔睿宗廟

孝宗張皇后成化二十三年選爲太子妃孝宗卽位冊立爲皇后武宗立尊爲皇太后正德五年上尊號曰慈壽皇太后世宗入繼稱聖母加上尊號曰昭聖慈壽嘉靖三年加上昭聖康惠慈壽已改稱伯母十五年復加上昭聖恭安康惠慈壽二十年八月崩諡曰孝康靖肅莊慈哲懿翊天贊聖敬皇后合葬泰陵祔廟

武宗夏皇后正德元年冊立爲皇后嘉靖元年上尊號曰

莊肅皇后十四年正月崩合葬康陵祔廟及議諡大學士
張孚敬曰大行皇后上嫂也與累朝元后異宜用二字或
四字李時曰宜用八左都御史王廷相吏部侍郎霍韜等
曰均帝后也何殊尙書夏言集眾議因奏曰古人尙質諡
法簡稱其行後人增加臣子情也生今世宜行今制大行
皇后宜如列聖元后諡二四及八於禮無據帝不從令再
議羣臣請如孚敬言帝曰用六合陰數焉於是上諡孝靜
莊惠安肅毅皇后十五年帝覺孚敬言非是敕曰孝靜皇
后諡不備不稱配武宗乃改諡孝靜莊惠安肅溫誠順天
偕聖毅皇后

世宗陳皇后嘉靖元年冊立爲皇后七年十月崩諡曰悼
靈葬襖兒峪十五年改諡孝潔穆宗卽位禮臣議孝潔皇
后大行皇帝元配宜合葬祔廟若遵遺制祔孝烈則舍元
配也若同祔則二后也大行皇帝升祔時宜奉孝潔配遷
葬永陵孝烈主宜別祀報可隆慶元年二月上尊諡曰孝
潔恭懿慈睿安莊相天翊聖肅皇后

張皇后世宗第二后也初封順妃七年陳皇后崩遂立爲
后十三年正月廢居別宮十五年薨喪葬儀視宣宗胡廢
后

方皇后世宗第三后十三年正月張后廢遂立爲后舊制

立后謁內廟而已至是下禮臣議廟見禮於是羣臣以天子立三宮以承宗廟禮經有廟見之文乃考据禮經參稽大明集禮擬儀注以上至期帝率后謁太廟及世廟越三日頒詔天下明日受命婦朝二十六年十月乙未后崩詔以元后禮葬豫名葬地曰永陵諡孝烈二十九年十一月豫祧仁宗祔孝烈皇后於太廟隆慶初上尊諡曰孝烈端順敏惠恭誠祗天衛聖皇后移主宏孝殿

杜太后世宗妃穆宗生母也嘉靖十年封康嬪十五年進封妃二十三年正月薨賜諡榮淑葬金山穆宗立上尊諡曰孝恪淵純慈懿恭順贊天開聖皇太后遷葬永陵祀主

神霄殿

穆宗李皇后穆宗爲裕王選爲妃生憲懷太子嘉靖三十七年四月薨穆宗卽位諡曰孝懿神宗卽位上尊諡曰孝懿貞惠順哲恭仁儷天襄聖莊皇后葬昭陵附太廟

陳皇后嘉靖三十七年選爲裕王繼妃隆慶元年冊爲皇后神宗卽位上尊號曰仁聖皇太后六年加上貞懿十年加康靜二十四年七月崩諡曰孝安貞懿恭純溫惠佐天宏聖莊皇后祀奉先殿別室

李太后穆宗妃神宗生母也隆慶元年三月封貴妃神宗卽位上尊號曰慈聖皇太后舊制天子立尊皇后爲皇太

后若有生母稱太后者則加徽號以別之是時太監馮保欲媚貴妃因以並稱風大學士張居正下廷臣議尊皇后曰仁聖皇太后貴妃曰慈聖皇太后始無別矣六年三月加尊號曰宣文十年加明肅二十九年加貞壽端獻三十四年加恭熹四十二年二月崩上尊諡曰孝定貞純欽仁端肅弼天祚聖皇太后合葬昭陵別祀崇先殿

神宗王皇后萬厯六年冊立爲皇后四十八年四月崩諡孝端光宗卽位上尊諡曰孝端貞恪莊惠仁明媿天毓聖顯皇后合葬定陵主祔廟

王太后神宗妃光宗生母也萬厯十年四月封恭妃八月

光宗生是爲皇長子既而鄭貴妃生皇三子進封皇貴妃而恭妃不益封三十四年元孫生加慈聖徽號始進封皇貴妃四十年薨諡溫肅端靜純懿皇貴妃熹宗卽位上尊諡曰孝靖溫懿敬讓貞慈參天允聖皇太后遷葬定陵祀奉慈殿

光宗郭皇后萬厯二十九年冊爲皇太子妃四十一年十一月薨諡恭靖熹宗卽位上尊諡曰孝元昭懿哲惠莊仁合天弼聖貞皇后遷葬慶陵祔廟

王太后光宗妃熹宗生母也侍光宗東宮爲選侍萬厯三十二年進才人四十七年三月薨熹宗卽位上尊諡曰孝

和恭獻溫穆徽慈諸天鞠聖皇太后遷葬慶陵祀奉先殿
劉太后光宗淑女莊烈帝生母也初入宮爲淑女萬厯三
十八年十二月生莊烈皇帝已失光宗意被譴薨葬西山
莊烈封信王追進賢妃及卽位上尊諡曰孝純恭懿淑穆
莊靜毗天毓聖皇太后遷葬慶陵帝五歲失太后問左右
遺像皆莫能得傳懿妃者舊與太后同爲淑女比宮居自
稱習太后言宮人中狀貌相類者命后母瀛國夫人指示
畫工可意得也圖成由正陽門具法駕迎入帝跪迎於午
門懸之宮中

熹宗張皇后天啟元年四月冊爲皇后性嚴正數於帝前

言客氏魏忠賢過失嘗召客氏至欲繩以法客魏交恨三年后有娠客魏盡逐宮人異己者而以其私人承奉竟損元子帝嘗至后宮后方讀書問何書對曰趙高傳也帝默然及熹宗大漸折忠賢逆謀傳位信王者后力也莊烈帝上尊號曰懿安皇后十七年三月李自成陷都城后自縊大清順治元年命合葬熹宗陵

莊烈帝周皇后天啟七年帝卽位立爲皇后崇禎十七年三月丁未日晡都城陷帝令后自裁后入室闔戶遂先帝崩

世祖章皇帝定鼎謚后曰莊烈愍皇后

已上皆后妃傳

妃嬪

皇貴妃 憲宗封萬貴妃始稱皇萬厯十三年冊鄭氏爲皇貴妃三十四年進封恭妃爲皇貴妃崇禎元年封田氏爲皇貴妃

貴妃 洪武三年冊孫氏爲貴妃但授冊無寶宣宗立孫貴妃製金寶賜焉貴妃有寶自此始

后妃傳

妃 妃嬪無寶止用塗金銀冊

會典

諸妃位號惟取賢淑莊敬惠順康甯爲稱

后妃傳序

洪武十七年十月冊李氏爲淑妃攝六宮事未幾卒冊郭

氏爲淑妃攝六宮事

后妃傳

正德元年冊沈氏爲賢妃吳氏爲德妃上御華蓋殿皮弁升座傳制執事官舉冊至右順門捧冊授內官由正門入詣二妃所二妃拜受之女官宣冊授二妃而以節授內官內官出右順門授使使持節復命

彤史拾遺記

嬪 明初無九嬪名自后妃下雜置諸宮嬪而閒以婕妤昭儀貴人美人諸位號

彤史

嘉靖十年三月二日上欲仿古禮爲九嬪之選冊方氏爲德嬪與鄭氏王氏閻氏韋氏沈氏盧氏沈氏杜氏同冊爲賢嬪莊嬪麗嬪惠嬪安嬪和嬪僖嬪康嬪冠九翟冠大采鞠衣圭用次玉穀文冊黃金塗視皇后殺五分之一帝袞

冕告太廟還服皮弁御華蓋殿傳制遣大臣行冊禮既冊

從皇后朝奉先殿禮成帝服皮弁受百官賀蓋創禮也同上

才人 孝和王太后傳萬厯二十二年進才人

婕妤 永樂中李婕妤好朝鮮人見會山集

昭儀 永樂中李昭儀朝鮮人

美人 永樂中崔美人朝鮮人正德十二年太原劉氏命為美人

昭容 永樂初王氏冊為昭容已上皆彤史

選侍 李康妃傳光宗時有二李選侍又孝和王太后傳初侍光宗東宮為選侍

淑女 大政記嘉靖十年正月選淑女四十八人明史孝純劉太后傳初入宮為淑女

后妃雜錄

洪武元年帝謂翰林學士朱升等曰治天下者修身爲本正家爲先正家之道始於謹夫婦后雖母儀天下然不可使預政事嬪嬙之屬不過備職事侍巾櫛恩寵或過則驕恣犯分厯代政由內出鮮不爲禍惟智者能察於未然其纂述女誡及古賢后妃事可爲法者使子孫知所持守

三編

三年五月詔嚴宮闈之政上以元末宮嬪淫瀆褻亂深戒前代之失著爲令皇后止治宮中嬪婦事宮門之外悉不得預羣臣命婦非朝賀不見中宮人君無見命婦禮以上皆垂爲永制命子孫世守之

實錄

五年命工部製紅牌鐫戒諭后妃之詞懸於宮中牌用鐵

字飾以金

后妃傳序

成化四年九月彗星見敕羣臣修省彭時等言外廷大政固所當先宮中根本尤爲至急諺云子出多母今嬪嬙眾多惟能無兆必陛下愛有所專而專寵者已過生育之期故也望均恩愛爲宗社大計

彭時傳

給事中魏元等言入春

以來災異疊至近又彗星見東方光拂台垣皆陰盛陽微之徵臣聞君之與后猶天之與地不可得而參貳也傳聞宮中乃有盛寵匹耦中宮尙書姚夔等向嘗言之陛下謂內事朕自裁置屏息傾聽將及半載而昭德宮進膳未聞少減中宮未聞少增夫宮闈雖遠而視聽猶咫尺衽席之

微謫見天象不可不懼且陛下富有春秋而震位尙虛豈
可以宗社大計一付之愛專情一之人而不求所以固國
本安民心哉願明伉儷之義嚴嫡妾之防俾尊卑較然各
安其分本支百世之基實在於此

魏元
傳

宏治元年中官郭鏞請豫選妃嬪以廣儲嗣庶子謝遷上
言山陵之工未畢諒闇之痛猶新此必宦豎巧爲諛詞以
動陛下非本心也陛下富於春秋俟祥禪之後徐議未晚
願亟寢前命從之

三編

嘉靖九年十月丁巳朔禮部奏宮中應行事宜及講女訓
儀注初上諭翰林院撮諸書關女教者撰爲詩言進呈以

備宮中誦詠又命將仁孝文皇后內訓及聖母章聖皇太后所撰女訓通行翰林院講讀官每月撰成直解各三章仍依經傳及高皇后傳內事實互證事取簡明以便女官記誦每月逢六之期女官進講三次皇后率妃夫人於坤甯宮聽講並具儀注上之報可

實錄

穆宗頗耽聲色陳皇后微諫帝怒出之別宮外庭皆憂之莫敢言隆慶三年御史詹仰庇入朝遇醫禁中出詢之知后寢疾危篤卽上疏言先帝慎擇賢淑作配陛下爲宗廟社稷主陛下宜遵先帝命篤宮闈之好近聞皇后移居別宮已近一載抑鬱成疾陛下略不省視萬一不諱如聖德

何臣下莫不憂惶徒以事涉宮禁不敢訟言臣謂人臣之義知而不言當死言而觸諱亦當死臣今固不惜死願陛下采聽臣言立復皇后中宮時加慰問臣雖死賢於生帝手批答曰后無子多疾移居別宮聊自適以冀卻疾爾何知內廷事顧妄言仰庇自分得重譴同列亦危之及旨下中外驚喜過望仰庇益感奮

仰庇傳

萬曆十四年二月貴妃鄭氏生子常洵進封皇貴妃而王恭妃育皇長子已五歲無所益封中外藉藉疑帝將立愛給事中姜應麟言禮貴別嫌事當慎始貴妃所生陛下第三子猶位亞中宮恭妃誕育元嗣翻令居下揆諸倫理則

不順質之人心則不安傳之天下萬世則不正非所以重
儲貳定眾志也請俯察輿情收還成命其或情不容已請
先加恭妃爲皇貴妃而後及於鄭妃則禮旣不違情亦不
廢疏入帝怒謫典史

姜應麟傳

光宗卽位諭閣臣封貴妃爲皇

太后孫如游奏曰考累朝典禮以配而后者乃敵體之經
以妃而后者則從子之義祖宗以來豈無抱衾之愛而終
引去席之嫌此禮所不載也先帝念貴妃勞不在無名之
位號陛下體先帝志亦不在非分之尊崇若義所不可則
遵命非孝遵禮爲孝臣不敢曲阿自蹈不忠之罪

孫如游傳給

事中楊漣亦言貴妃封號尤乖典常尊以嫡母若大行皇

今明倫彙編
三
后何尊以生母若本生皇后何請亟寢前命

楊漣傳

宮官

洪武五年六月命禮臣議宮官女職之制禮臣上言周制後宮設內官以贊內治漢設內官一十四等凡數百人唐設六局二十四司官凡一百九十人女史五十餘人皆選良家女充之帝以所設過多命重加裁定於是折衷曩制立六局一司局曰尙宮尙儀尙服尙食尙寢尙功司曰宮正俱正六品每局領四司其屬二十有四而尙宮總行六局之事戒令賞罰則宮正掌之官七十五人女史十八人自后妃以下至嬪御女史巨細衣服之費金銀幣帛器用

百物之供皆自尙宮取旨牒內使監覆奏移部臣取給焉
以私書出外者死宮嬪以下有疾醫者不得入以證取藥
后妃傳序

是年選蘇杭二府婦女願入宮者四十四人授內職蠲其
家徭役野獲編

大祖嘗怒責宮人后亦佯怒令執付宮正司議罪帝曰何
爲后曰帝王不以喜怒加刑賞當陛下怒時恐有畸重付
宮正則酌其平矣高皇后傳

十四年敕諭蘇松嘉湖及浙江江西有司民間女子年十
三以上十九歲以下婦人年三十以上四十歲以下無夫

者願入宮備使令各給鈔爲道里費送京師女子以備後
宮婦人則充六宮也

野獲編

十五年更定品秩二十四司正六品增設二十四掌正七
品宮正司增設司正正六品二十七年重定品職增設二
十四典正七品改二十四掌爲正八品尙儀局增設彤史
正六品宮正司增設典正正七品六局各鑄印給之凡宮
官一百八十七人女史九十六人

職官志

二十二年定六尙局官服勞旣多或五載六載歸其父母
從宜婚嫁年高者許歸願留者聽其在宮聞及見受職者

家給與祿視外品

王圻續通考

二十九年敕周之內宰以陰禮教六宮九嬪以婦職之法
教九御各有職司朕起布衣陟尊位於內治不敢忽是以
設六尙以職六宮卽列聖相繼之道近年精選民間淑德
入宮者數人使兼六尙事爾等慎守乃職毋怠

春明夢餘錄

成祖初詔求民間婦女充內宮其婦人年至五十願還鄉
里女子給事十年願還家適人者從之

大政記

凡諸宮人通文理者先爲女秀才遞陞女史陞宮官以至
六局掌印則爲清華內職凡聖母后妃禮儀等事用女秀
才爲引禮贊禮官

史形

嘉靖九年皇后行親蠶禮內賜酒飯以夫人秀才爲第一

等野獲編

隆慶三年諭禮部祖制設六尚以備內治其選民間淑女十一歲至十六歲者三百人

王圻續通考

出宮人

洪武元年八月甲午遣內官往北平放元宮人諭之曰宮人皆良家子幽閉深宮誠有可憫至卽放遣適人勿使失所

天順八年憲宗卽位李賢上言天時未和由陰氣太盛自宣德至天順間選取宮人太多浣衣局沒官婦女愁怨尤甚宜皆放還從之

已上三編

嘉靖四年五月己未朔放宮女

大政記

八年二月丙戌御史穆相等以災異陳八事一清宮禁謂後宮女謁太多陰氣閉鬱亦足以致災異宜如貞觀故事大出宮女上以其事關君德留中自裁

實錄

明會要卷二終